

- Izvještaj o radu za period januar – mart 2012.godine

KRIMINALITET

Na području Kantona Sarajevo u periodu januar - mart 2012. godine smanjen je broj krivičnih djela za 21%, prijavljenih lica za 17,2%, maloljetnih izvršilaca za 46,7%, povratnika u činjenju krivičnih djela za 11,8% i lica lišenih slobode za 31,8%.

U periodu januar – mart 2012. godine, registrovano je 1.500 krivičnih djela, što je za 399 djela ili 21% manje nego u periodu januar – mart 2011.godine.

U 489 slučajeva (32,6% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 1.011 krivičnih djela (ili 67,4%), prijavljeno je po nepoznatom učiniocu, od kojih je za 496 naknadno identifikovan osumnjičeni izvršilac (ili 49,1% od ukupnog broja prijavljenih djela po nepoznatom učiniocu).

Iz naprijed navedenog proizilazi da je tokom izvještajnog perioda, za ukupno 985 krivičnih djela ili 67,7% (2,1% više) identifikovan osumnjičeni izvršilac, odnosno ukupno „rasvjetljeno“ krivičnih djela.

Za izvršenje navedenih djela prijavljeno je 788 lica, od kojih su 552 povratnika u činjenju krivičnih djela (ili 70% prijavljenih), a 327 je lišeno slobode (ili 41,5%).

mjesec 2011.godine/	januar	februar	mart	januar - mart 2012. god.
broj krivičnih djela	535	405	560	1.500
broj krivičnih djela kod kojih je identifikovan osumnjičeni počinitelj	341	281	363	985
% ukupne „rasvjetljenosti“ KD	63,7%	69,4%	64,8%	65,7%
broj prijavljenih lica	288	205	295	788
broj povratnika	196	145	211	552
broj lica lišenih slobode	114	91	122	327

U odnosu na uporedni period manji je broj prijavljenih lica za 164 (ili 17,2%), povratnika za 74 (ili 11,8%) i lica lišenih slobode za 153 (ili 31,8%). Među prijavljenim licima 107 je maloljetnih počinilaca krivičnih djela (50 ili 46,7% manje).

U ovom periodu za 561 službeni izvještaj, od strane Kantonalnog tužilaštva, donesena je naredba o obustavi i neprovođenju istrage (46 ili 8,9% više).

KRIVIČNA DJELA PROTIV	januar- mart 2012.	januar- mart 2011.	uporedba		„rasvjetljenost“ januar-mart 2012.	
			+/-	%	broj kd	%
Protiv života i tijela	51	49	2	4,1%	48	94,1%
Protiv slobode i prava čovjeka i građanina	45	60	-15	-25%	43	95,6%
Protiv spolne slobode i morala	2	7	-5	-71,4%	1	50%
Protiv braka, porodice i mladeži	56	59	-3	-5,1%	56	100%
Protiv zdravlja ljudi	62	69	-7	-10,1%	62	100%
Protiv privrede, poslovanja i sigur. platnog prometa	0	3	-3	---	0	---
Protiv imovine	1.120	1.447	-327	-22,6%	620	55,4%
Protiv okoliša, poljoprivrede i prirodnih dobara	3	2	1	50%	2	66,7%
Protiv opće sigurnosti ljudi i imovine	24	47	-23	-48,9%	19	79,2%
Protiv sigurnosti javnog prometa	17	23	-6	-26,1%	17	100%
Protiv pravosuđa	5	5	0	isto	5	100%
Protiv javnog reda i pravnog prometa	87	80	7	8,8%	84	96,6%
Protiv podmićivanja i krivična djela protiv službene i druge odgovorne dužnosti	3	9	-6	-66,7%	3	100%
ZONDINOM-a (Sl.novine Kantona Sarajevo br.38/07)	25	39	-14	-35,9%	25	100%
UKUPNO	1.500	1.899	-399	-21%	985	65,7%

UKUPNO	KD	NN	NR
		1500	1011

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu januar – mart 2012. godine prijavljeno je 51 krivično djelo protiv života i tijela (dva više u odnosu na isti period 2011. godine) od kojih je za 48 ili 94,1% identifikovan osumnjičeni počinitelj.

Zbog postojanja osnova sumnje da su ih počinili podneseni su službeni izvještaji protiv 62 lica (tri više), a 18 je lišeno slobode (osam manje).

Evidentirana su slijedeća krivična djela: - ubistvo iz člana 166. KZFBiH-a – dva djela (jedno manje), ubistvo u pokušaju – jedno djelo (šest manje), teška tjelesna ozljeda – 31 (pet više), lahka tjelesna ozljeda – 16 djela (četiri više) i učestvovanja u tuči – jedno djelo (isti broj).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 45 djela (15 manje) - ugrožavanje sigurnosti, a zbog izvršenja navedenih djela prijavljeno je 46 lica od kojih je 27 povratnika u činjenju krivičnih djela (ili 58,7%), a deset je lišeno slobode. Sva djela ugrožavanja sigurnosti počinjena su upućivanjem verbalnih prijetnji koje su izazvale uznemirenje oštećenih.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljena su dva djela (pet manje) i to: silovanje i bludne radnje – po jedno djelo, za čije izvršenje su prijavljena dva lica, koja su lišena slobode i uz službene izvještaje predata nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 56 krivičnih djela (tri manje) i to: nasilje u porodici – 53 djela, oduzimanje djeteta ili maloljetnika - dva i izvanbračna zajednica s mlađim maloljetnikom – jedno djelo. Službeni izvještaji podneseni su protiv 57 lica od kojih su 33 povratnika, a 31 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 66 lica (osam manje), zbog postojanja osnova sumnje da su počinili 62 krivična djela (sedam manje) i to:

- neovlašćena proizvodnja i stavljanje u promet opojnih droga – 14 djela (dva manje)
- posjedovanje i omogućavanje uživanja opojnih droga – 48 djela (pet manje).

Zbog zloupotrebe opojnih droga 35 lica je lišeno slobode (četiri više).

U ovom periodu podnesena su 63 zahtjeva (dva više) za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled 56 lica (isti broj), 21 stana (jedan više) i većeg broja automobila po usmenim naredbama Opštinskog suda u Sarajevu.

VRSTA OPOJNE DROGE	JANUAR-MART 2012. GODINE	JANUAR-MART 2011. GODINE
Marihuana (u gramima)	12.570,00	30.150,00
Marihuana (paketići)	122	249
Marihuana (JOINT - cigarete)	10	8
Heroin (paketići)	15	10
Heroin (u gramima)	1.631,00	28
Amfetamin (u gramima)	427	2.580,00
Amfetamin (paketići)	15	85
Ecstasy (tablete)	---	28
NN (tablete)	72	---
pribor sa ostacima droge (kom.)	22	17

U prvom tromjesečju 2012. godine pripadnici Uprave policije sprovedli su niz efikasnih akcija na presijecanju "lanaca" trgovine opojnim drogama, u kojim su zaplijenili veće količine opojnih droga (Marihuana – preko 12,5 kg, Heroin – 1,6 kg, Amfetamin – 0,4 kg, itd.) te identifikovali i slobode lišili 17 lica (iz člana 238. KZ FBiH-a – neovlašćena proizvodnja i stavljanje u promet opojnih droga).

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ nije bilo prijavljenih djela, međutim izvršenjem krivičnih djela koja su u vezi sa „privrednim kriminalom“, a svrstana su u druge Glave KZFBiH-a i to: prijevara, zloupotreba položaja ili ovlašćenja i pronevjera u službi – po jedno djelo, a koja su zadokumentovana od strane Odjeljena za privredni kriminal tokom prva tri mjeseca 2012. godine, nastupila je materijalna šteta za privredne subjekte u ukupnom iznosu od 42.496,00 KM.

SUBJEKTI	januar – mart 2012	januar – mart 2011
PRIVREDNI SUBJEKTI	42.496,00 KM	99.188,19 KM
BUDŽET FBiH	---	92.900,00 KM
UKUPNO	42.496,00 KM	192.088,19 KM

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 74,7% ukupnog kriminaliteta što predstavlja smanjenje ovog parametra u odnosu na uporedni period za 1,5%, kada su „imovinski delikti“ činili 76,2% ukupnog kriminaliteta. Naime, registrovano je 1.120 djela iz ove oblasti što je za 327 djelo ili 22,6% manje.

Najbrojnija djela iz ove oblasti su: teške krađe – 663 (309 više), krađe – 180 (devet više), razbojništva – 173 (30 više), oštećenje tuđe stvari – 43 (isti broj), teška krađa u pokušaju – 22 (sedam manje), prijevara – devet (devet manje), itd.

Za 620 djela ili 55,4% identifikovan je osumnjičeni izvršilac što je za 0,9% više.

Objekti napada pri vršenju krivičnih djela protiv imovine najčešće su bila motorna vozila 251 (27 više), stambeni objekti – 224 puta (223 manje), poslovni prostori i prodavnice – 142 (79 manje), na ulici – 39 (31 manje) i u ostalim objektima sedam puta (tri manje), pri čemu su otuđivana motorna vozila, novac, tehnička roba, zlatni nakit, auto-dijelovi, itd.

U prva tri mjeseca ove godine na području Kantona Sarajevo izvršeno je 116 krivičnih djela teških krađa motornih vozila, od čega je 44 ili 37,9% vraćeno (od strane policije MUP Kantona Sarajevo vraćeno je 27 vozila, MUP RS-a – šest, drugih MUP-ova – jedno vozilo, uz novčanu nadoknadu - jedno, a devet vozila vlasnici su sami pronašli).

U odnosu na uporedni period broj otuđenih vozila povećan je za 21 ili 22,1%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 19 lica, a zbog postojanja osnova sumnje da su počinili krivična djela iznude novca za otkup ukradenih vozila podneseni su službeni izvještaji protiv jednog lica.

Na području Kantona Sarajevo u periodu januar – mart ove godine registrovana su 173 djela razbojništva (30 ili 21% više).

Razbojništva su počinjena u prodavnicama - 64 puta (27 više), na ulici – 40 puta (pet manje), više), sportskim kladionicama – 33 (dva manje), benzinskim pumpama – šest puta (dva više), apotekama – pet, bankama – četiri, itd.

Navedena djela izvršena su prijetnjom upotrebe vatrenog oružja – 54 puta (šest više), prijetnjom i upotrebom noža ili drugog oštrog predmeta (komad stakla, šrafciğer i sl.) – 50 (sedam manje) i upotrebom fizičke snage - 69 puta (21 više).

Za ukupno 70 ovih djela ili 40,5%, identifikovan je osumnjičeni izvršilac što je za 4,9% više u odnosu na isti period 2011. godine.

Nasilno oduzimanje mobitela direktno se odražava i na broj teških krađa na naročito opasan ili naročito drzak način. U ovom periodu evidentirano je 89 djela ove vrste (24 manje), od čega je 57 ili 64% „rasvjetljeno“, što je 2,4% manje.

Za izvršenje ovih oblika teških krađa, prijavljena su 27 lica, od kojih je 21 povratnik, a 13 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 24 djela (23 manje) i to: izazivanje opće opasnosti –17 djela (15 manje), nesavjesno čuvanje pasa i drugih opasnih životinja – pet, teška djela protiv opće sigurnosti ljudi i imovine i izazivanje opće opasnosti u pomaganju – po jedno djelo.

Krivična djela izazivanja opće opasnosti izvršena su na otvorenom prostoru – 12 puta, u stambenom i ugostiteljskom objektu – po dva puta i u poslovnom objektu – jednom. U dva slučaja aktivirana je nepoznata eksplozivna naprava, 11 puta je pucano iz vatrenog oružja i u četiri slučaja je otvorenim plamenom izazvan požar. Posljedica izvršenja navedenih djela je ranjavanje dva lica i nastala materijalna šteta.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 13 lica, od čega je 12 povratnika, a osam je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 87 krivičnih djela (sedam više) i to: nasilničko ponašanje - 37 djela (četiri manje), skidanje ili povreda službenog pečata ili znaka – 19 (nije bilo djela), krivotvorenje isprave – šest (11 manje), nedozvoljeno držanje oružja ili eksplozivnih materija – 14 (četiri više), napad na službenu osobu u vršenju poslova sigurnosti – osam (isti broj), itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 95 lica, od kojih je 51 povratnik ili 53,7%, a 38 je lišeno slobode.

KRIVIČNA DJELA POČINJENA OD STRANE MALOLJETNIKA

U periodu januar- mart 2012. godine **prijavljeno je 57 maloljetnika** zbog osnova sumnje da su samostalno ili u grupi **izvršili 86 krivičnih djela**. U poređenju sa istim periodom 2011. godine, broj krivičnih djela za čije izvršenje su prijavljena maloljetna lica smanjen je za 77 ili 47,2%, broj prijavljenih maloljetnih učinilaca ovih djela smanjen je za 50 ili 46,7%.

Pregled broja maloljetnih izvršilaca krivičnih djela za period januar-mart 2012. godine, prema starosnoj strukturi

Starosna dob maloljetnika	14 godina	15 godna	16 godina	17 godina	ukupno
Broj maloljetnih izvršilaca	5	5	21	26	57

Među maloljetnim učiniocima krivičnih djela, najveći broj je u dobi od 17 godina, dok je povratnika u izvršenju krivičnih djela 29 (ili 50,9%).

Podaci sa kojima raspolažemo ukazuju na raznolikost krivičnih djela za koja su prijavljeni maloljetnici, ali su ipak **najbrojnija krivična djela protiv imovine-63 (ili 73,3%)**, pri čemu prevladavaju teške krađe (**36 ili 57,1%**). U odnosu na isti period prošle godine, u protekla tri mjeseca smanjen je broj krivičnih djela razbojništva (za 19 ili 79,2%), teških krađa na naročito drzak i opasan način (za 18 ili 75%), krađa (za 15 ili 75%), teških krađa (za šest ili 14,3%), itd.

Od ostalih krivičnih djela, maloljetna lica prijavljena su za izvršenje osam djela nasilničkog ponašanja, pet djela posjedovanja opojne droge, četiri djela nanošenja teške i jedno djelo nanošenja lahke tjelesne povrede, dva djela ugrožavanja sigurnosti i po jedno djelo izazivanja opće opasnosti, nedozvoljenog posjedovanja eksplozivnih naprava i stavljanja u promet opojnih droga.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-mart 2012. godine na području Kantona Sarajevo registrovana su tri slučaja aktiviranja minsko-eksplozivnih sredstava (sedam manje u odnosu na isti period 2011. godine), koja su za posljedicu imala materijalnu štetu. U jednom slučaju izvršilac je identifikovan i protiv njega su preduzete zakonske mjere. Takođe, u proteklom tromjesečju identifikovana su tri lica koja su u mjesecu junu 2011. godine aktivirala eksplozivnu napravu ispod putničkog vozila na području općine Stari Grad.

Registrovane su četiri anonimne dojave o postavljenoj eksplozivnoj napravi (u istom periodu prošle godine 17) od kojih su se dvije odnosile na srednje škole. Nakon izvršenog KDZ pregleda utvrđeno je da su dojave bile lažne. U proteklom periodu identifikovano je maloljetno lice koje je u mjesecu decembru 2011. godine uputilo lažnu dojavu o postavljenoj eksplozivnoj napravi u školi.

POŽARI

U toku perioda januar-mart 2012. godine, na području Kantona Sarajevo registrovana su 44 požara (četiri više) sa materijalnom štetom. Prema statističkim pokazateljima, 24 požara su izazvano namjerno, šest zbog tehničkih nedostataka, dva nehatom, dok uzrok 12 požara spada u kategoriju ostalih.

Zbog izazivanja požara, nadležnom tužilaštvu je podneseno šest službenih izvještaja: četiri iz člana 323 KZ FBiH (izazivanje opće opasnosti) i dva iz člana 301 KZ FBiH (paljevina).

SAMOUBISTVA

U prva tri mjeseca 2012. godine na području Kantona Sarajevo registrovano je 13 samoubistava (jedno više), koja su izvršena vješanjem - devet puta, pucanjem iz vatrenog oružja, skokom sa visine, trovanjem i strujnim udarom – po jednom.

Prema spolu, izvršiocu su sedam muškaraca i šest žena, od kojih je osam lica u dobi od 20 do 50 godina i pet lica preko 50 godina života.

2. JAVNI RED I MIR

U periodu januar-mart 2012 godine zbog raznih oblika narušavanja javnog reda i mira policijski službenici su podnijeli **1.147 prekršajnih naloga i zahtjeva** za pokretanje prekršajnog postupka (naloga-756, zahtjeva-391), što u odnosu na isto tromjesečje 2011. godine predstavlja smanjenje za 322 ili 21,9%. Prekršajne sankcije preduzete su **protiv 1.248 lica** (338 ili 21,3% manje). Na prekršaje utvrđene Zakonom o prekršajima protiv javnog reda i mira odnosi se 1.060, dok se 87 naloga i zahtjeva odnosi na prekršaje koji su regulisani Odlukom općinskih vijeća.

Najveći broj prekršajnih naloga i zahtjeva podnesen je zbog prekršaja učinjenih prosjachenjem (38,6%). U proteklom tromjesečju nije bilo slučajeva narušavanja javnog reda i mira u većem obimu, niti su zabilježeni ozbiljniji incidenti.

Tabelarni pregled broja uručenih/podnesenih naloga i zahtjeva za period januar-mart 2012. godine

period	prekršajni nalozi	zahtjevi za ppp	ukupno
januar	289	101	390
februar	178	122	300
mart	289	168	457
ukupno	756	391	1.147

Od ukupnog broja prekršajnih sankcija, 125 ili 10,9% odnosi na lica koja su i ranije činila prekršaje (povratnici), 22 ili 1,9% na maloljetna lica, a dvije na strane državljane.

Prilikom narušavanja javnog reda i mira u periodu januar-mart 2012. godine, u slučajevima kada se radilo o prekršajima, **nije bilo teže povrijeđenih lica** (kao ni u istom periodu 2011. godine), dok je **lakše povrijeđeno 105 lica** (12 ili 10,3% manje).

Među 1.147 prekršaja iz Zakona o prekršajima protiv javnog reda i mira, najbrojnija su **prosjachenja-443** (ili 38,6%); tuče-**198** (ili 17,3); naročito drsko ponašanje-**149** (ili 13%); odbijanje naređenja i omalovažavanje policijskih službenika-**82** (ili 7,1%); svađa, vika i nepristojno ponašanje-**29**, paljenje petardi-**10**, te ostali prekršaji iz Zakona o prekršajima protiv javnog reda i mira-**149**. Na prekršaje utvrđene Odlukom općinskih vijeća odnosi se **87 naloga/zahtjeva**.

STRUKTURA PREKRŠAJA	januar-mart 2012.	januar-mart 2011.	uporedba
-Tuča	198	262	-64 ili -24,4%
-Naročito drsko ponašanje	149	205	-56 ili -27,3%
-Odbijanje naređenja i omalovažavanje sl.pol.	82	106	-24 ili -22,6%
-Prosjachenje	443	541	-98 ili -18,1%
-Svađa, vika, nepristojno ponašanje	29	28	+1 ili 3,6%
-Paljenje petardi	10	1	+9 ili 900%
-Ostali prekršaji iz Zakona o pr.protiv JRiM	149	192	-43 ili -22,4%
Prekršaji prema odluci OV o JRiM	87	134	-47 ili -35,1%
ukupno	1.147	1.469	-322 ili -21,9%

U odnosu na isti period 2011. godine, u proteklom tromjesečju **povećan** je broj prekršajnih sankcija zbog narušavanja javnog reda i mira paljenjem petardi, te svađom, vikom i nepristojnim ponašanjem, a u svim ostalim slučajevima broj naloga i zahtjeva je smanjen.

Najveći broj učinilaca prekršaja je u starosnoj dobi **preko 36 godina -624**, zatim između 26 i 35 godina- **396** i između 19 i 25 godina- **201**, dok je maloljetnih lica bilo **27**.

Maloljetnici su u najvećem broju slučajeva sankcionisani zbog učestvovanja u tučama, a lica starosne dobi preko 36 godina najbrojniji su u prekršajima učinjenim prosjačenjem, tučama i naročito drskim ponašanjem.

Prema mjestu izvršenja, a na osnovu broja uručenih naloga i podnesenih zahtjeva, najveći broj prekršaja učinjen je **na ulici** i na drugim otvorenim prostorima-**961** (ili 83,8%), a znatno manje na ostalim mjestima:

- ugostiteljski objekti-73 ili 6,4%;
- trgovinske i zanatske radnje-12;
- sportski stadioni i dvorane-9;
- škole i školska dvorišta-7;
- vozila javnog saobraćaja-6 i
- ostala mjesta-79

U proteklom tromjesečju ove godine, u odnosu na isti period 2011. godine, povećan je broj prekršajnih sankcija koje su preduzete zbog prekršaja izvršenih na sportskim terenima i u trgovinskim radnjama, dok je broj naloga i zahtjeva zbog prekršaja izvršenih na ostalim mjestima smanjen.

U sklopu aktivnosti na sprečavanju svih oblika narušavanja javnog reda i mira, te izvršenja krivičnih djela u ili ispred osnovnih i srednjih škola, policijski službenici su ostvarivali redovne kontakte sa predstavnicima škola, te intervenisali u jednom broju slučajeva. Tako je u proteklom tromjesečju, pored prekršajnih sankcija, zbog krivičnih djela izvršenih na ovom lokalitetu, nadležnom tužilaštvu podneseno 11 službenih izvještaja (tri manje u odnosu na isti period 2011. godine) i to zbog sljedećih djela: nasilničko ponašanje-tri djela, teška tjelesna povreda-dva, krivotvorenje isprave- dva, teška krađa na naročito drzak i opasan način, ugrožavanje sigurnosti, krađa i nesavjesno čuvanje životinja-po jedno djelo.

SAOBRAĆAJ

Tokom prvog tromjesečja 2012. godine, stanje sigurnosti saobraćaja karakteriše povećanje ukupnog broja saobraćajnih nezgoda i broja nezgoda sa materijalnom štetom, dok je smanjen broj nezgoda sa nastradalim licima, te broj poginulih i povrijeđenih lica. Registrovane su 2.492 saobraćajne nezgode (277 ili 12,5 % više), 2.329 sa materijalnom štetom (288 ili 14,1 % više) i 163 sa nastradalim licima (11 ili 6,3 % manje).

U naselju je registrovano 2.412 saobraćajnih nezgoda (tri sa poginulim, 153 sa povrijeđenim licima i 2.256 sa materijalnom štetom), van naselja 80 nezgoda (sedam sa povrijeđenim licima i 73 sa materijalnom štetom).

Registrovano je 386 saobraćajnih nezgoda na raskrsnicama u naselju, sedam na raskrsnicama van naselja, pet na pješačkom prelazu, jedna na nadvožnjaku, jedna na prelazu preko željezničke pruge i 2.092 saobraćajne nezgode čije se karakteristike ubrajaju u kategoriju ostalih.

Uporedni pokazatelji stanja sigurnosti saobraćaja na području Kantona Sarajevo
januar – mart 2012/2011.godine

	2012	2011	+, -, %
UKUPNO SAOBRAĆAJNIH NEZGODA	2.492	2.215	+ 277 ili 12,5 %
Saobraćajne nezgode sa nastradalim licima	163	174	- 11 ili 6,3 %
Saobraćajne nezgode sa materijalnom štetom	2.329	2.041	+ 288 ili 14,1 %

POGINULO LICA	3	7	- 4 ili 57,1 %
- vozači	0	3	- 3
- putnici	0	3	- 3
- pješaci	3	1	+ 2 ili 200 %
POVRIJEĐENO LICA	219	234	- 15 ili 6,4 %
- vozači	77	86	- 9 ili 10,5 %
- putnici	67	79	- 12 ili 15,2 %
- pješaci	75	69	+ 6 ili 8,7 %

Tabelarni pregled broja saobraćajnih nezgoda po mjesecima
januar – mart 2012/2011.godine

period	UKUPAN BROJ SAOBRAĆAJNIH NEZGODA PO MJESECIMA			ukupno
	JANUAR	FEBRUAR	MART	
januar – mart 2012	757	963	772	2.492
januar – mart 2011	732	743	740	2.215
uporedba	+ 25 ili 3,4 %	+ 220 ili 29,6 %	+ 32 ili 4,3 %	+ 277 ili 12,5%

Tokom izvještajnog perioda, u saobraćajnim nezgodama na području Kantona Sarajevo 222 lica su nastradala (19 ili 7,9 % manje). Tri lica su poginula (četiri ili 57,1 % manje), dok je 219 lica povrijeđeno (15 ili 6,4 % manje), 25 teže i 194 lakše.

Sva tri poginula lica su pješaci (dva više). Dva pješaka nastradala su u saobraćajnim nezgodama koje su se dogodile na području općine Novi Grad (u Ulicama N. Smailagića i na raskrsnici Ulica X transverzala i Safeta Hadžića), a jedan na području općine Ilidža (u Ulici Ustanička).

Od ukupno 219 povrijeđenih lica, 77 je vozača (devet manje), pješaka - 75 (šest više) i putnika – 6 (12 manje).

Kada je u pitanju stepen povreda, tri vozača su teže, a 74 lakše povrijeđena. Četiri putnika su teže, a 63 lakše povrijeđena, dok je 18 pješaka teže i 57 lakše povrijeđeno. Starosna struktura lica povrijeđenih u saobraćajnim nezgodama je sljedeća: od 31 do 40 godina – 51-lice, od 25 do 30 godina – 40 lica, od 21 do 24 godine – 29 lica, itd.

Posmatrano po kategorijama puta, najveći broj saobraćajnih nezgoda registrovan je u ulicama u naselju – 2.088 nezgoda gdje je 167 lica nastradalo (tri lica poginula i 164 povrijeđena). Na magistralnim putevima registrovane su 234 saobraćajne nezgode u kojima je 26 lica povrijeđeno, na lokalnim putevima 72 nezgode (16 lica povrijeđeno), na regionalnim putevima – 59 nezgoda (devet lica povrijeđeno) i na putevima koji se ubrajaju u kategoriju ostalih – 39 saobraćajnih nezgoda sa četiri povrijeđena lica.

UZROCI SAOBRAĆAJNIH NEZGODA

Osim ostalih uzroka (2.035), koji su za posljedicu imali dva poginula i 123 povrijeđena lica, najčešći uzroci saobraćajnih nezgoda bili su: neprilagođena brzina – 404 (jedno lice poginulo i 79 povrijeđeno) i uticaj alkohola – 49 (12 lica povrijeđeno). Uticaj opojnih droga izazvao je tri saobraćajne nezgode u kojima je pet lica povrijeđeno, dok je odron na putu izazvao jednu saobraćajnu nezgodu sa materijalnom štetom.

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su tokom izvještajnog perioda kontrolisali ukupno 57.561 –no vozilo (2 412 manje).

Zbog tehničke neispravnosti, iz saobraćaja je isključeno 165 vozila (99 više), 1.306 vozača je zatečeno da upravljaju vozilom pod dejstvom alkohola (180 manje), 2.599 bez korištenja sigurnosnog pojasa (204 manje), 463 bez položenog vozačkog ispita (89 više), a 437 vozača je učestvovalo u saobraćaju bez važeće registracije (52 više).

Zbog kršenja propisa iz oblasti sigurnosti saobraćaja uručeno je 37.280 prekršajnih naloga vozačima (6.393 manje), podnesena 84 zahtjeva za pokretanje prekršajnog postupka (jedan manje) i registrovano 17 krivičnih djela zbog ugrožavanja sigurnosti javnog prometa (šest manje).

MIRUJUĆI SAOBRAĆAJ I KONTROLA PJEŠAKA

Tokom prvog tromjesečja 2012. godine, pripadnici Uprave policije su uručili 9.766 prekršajnih naloga vozačima koji nisu poštivali saobraćajne propise prilikom parkiranja (3.229 više u odnosu na isti period prošle godine), upozorili 1.371-nog vozača (64 više), a specijalnim vozilom „pauk“ premjestili 532 vozila (57 manje). Zahtjeva za pokretanje prekršajnog postupka nije bilo.

Takođe, upozoreno je 259 pješaka (35 manje) i uručen 261 prekršajni nalog (isto kao u prvom tromjesečju prošle godine). Zahtjeva za pokretanje prekršajnog postupka nije bilo.

ZAKONITOST U RADU

U periodu januar- mart 2012. godine registrovano je osam napada na policijske službenike (isto kao u uporednom periodu).

U napadima je učestvovalo 15 punoljetnih lica koja su lišena slobode.

Policijski službenici su tokom izvještajnog perioda 12 puta opravdano upotrijebili silu (dva više) i to:

U toku perioda januar-mart 2012. godine, Odjeljenje za unutrašnju kontrolu je registrovalo 119 predstavki, među kojima je za 77 predstavki Ured za pritužbe javnosti dao saglasnost za sprovođenje unutrašnjih istraga, dok za 42 predstavke Ured nije dao saglasnost iz razloga prestanka mandata istog.

Od 77 zaprimljenih predstavki, 57 je podnijeto od strane građana, a 20 na osnovu saznanja iz službe.

Okončane su četiri žalbe iz ranijeg perioda.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U periodu januar – mart 2012. godine evidentirano je 25 krivičnih djela koja su regulisana Zakonom o nabavljanju, držanju i nošenju oružja i municije (osam manje), počinjenih od strane 28 izvršilaca, od kojih je 15 lišeno slobode.

U ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2012" s ciljem prikupljanja minsko-eksplozivnih

sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 32 komada.,
- mine, granate i sl – šest kom.,
- pištolji – tri kom.,
- municija raznog kalibra – 188 kom., itd.

Od strane Policijskih uprava fizičkim licima izdato je 201 odobrenje za nabavku vatrenog oružja (25 više) i 212 oružnih listova (19 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 29 pištolja (isti broj), šest pušaka (jedna više), 34 noža ili druga oštra predmeta (šest manje), četiri boksera (dva manje), 766 kom. municije različitog kalibra (337 više), itd.

Sarajevo, 10.05.2012.godine

**Odsjek za odnose s javnošću
MUP-a Kantona Sarajevo**